



17. Die Karteikarten von Feulen und Grosbous waren von der GESTAPO eingehend untersucht worden, in der Zeit als grössere Polizeiaktionen überall stattfanden. Die Dörfer wurden gewarnt auf dem genannten Wege. Wegen schlechter Witterung (Nebel) konnten die Aktionen nicht starten. Die Vorsichtsmassnahmen waren jedoch getroffen.

18. Das kleine Dorf Ringel war ebenfalls auf der schwarzen Liste der GESTAPO. *Federspiel* von Ringelerhof war verdächtigt worden und wurde nachts auf meine Benachrichtigung über *Ludwig* und die LVL-Kehmen in Kenntnis gesetzt. Ein zweites Mal war der Name *Didier* aus Ringel von der GESTAPO aufgeschrieben worden. *Didier* wurde auf demselben Wege wie vorher, sowie weiter über *Stoffel* aus Mertzig gewarnt. Es fanden zwar Verhaftungen statt, doch wurden, wie überall, wo das Terrain vorbereitet war, keine Fahnenflüchtigen gefunden.

19. Dem Chef der LPL in Mertzig, *Stoffel Jean*, habe ich mehrere Ausweise ohne Namen ausgestellt, so dass er sie für flüchtige Wehrmachtsangehörige als falsche Pässe benutzen konnte.

20. Den gezwungenen luxemburgischen Wehrmachtsangehörigen *Schmit Jacques*, *Kraus Lucien* und *Dondelinger Gustav* habe ich Identitätskarten ausgestellt mit falschen Geburtsdaten, damit sie bei einer Kontrolle nicht verdächtig seien.

21. Gendarmiermeister *Zieser* hatte ebenfalls schweren Verdacht auf das Dorf Michelau, von wo er immer geheime Informationen bekam über Fahnenflüchtige. Die Verdachte wurden auf dem bekannten Weg und zwar über die LPL-Ettelbrück und über die LVL-Kehmen weitergeleitet.

22. Sieben bis acht Identitätskarten habe ich weiter, ohne Aufnahme von Anträgen und ohne Vorstellen der Personen an *Ludwig* ausgestellt, auf alleinige Vorlage von Lichtbildern mit Personalien. Dieselben waren bestimmt für die Widerstandsorganisation Heiderscheid und wurden bei *Ludwig* von Herrn *Pull* aus Heiderscheid in Empfang genommen.

23. In der berühmten Gelbsuchtsaktion war ich in Verbindung mit Herrn Dr. *Speltz* aus Luxemburg. Nachdem ich selbst das Mittel für mich in Anspruch genommen hatte, um mich an der Vereidigung auf den Führer vorbeizudrücken, was mir auch gelang, habe ich das Mittel noch weitergegeben an den Wehrmachtsangehörigen *Francois Schmit* aus Warken, welcher mir von *Ludwig* überwiesen worden war, sowie an *Josef Weyer* aus Diekirch, *Charles Klein* aus Ettelbrück, *Neu Johann-Peter* aus Feulen, *Kraus Lucien* aus Ettelbrück und *Schmit Jacques* aus Ettelbrück.

Wie Sie sehen, Herr Justizminister, habe ich meine Pflicht als guter Luxemburger erfüllt, ich habe bestimmt mein Bestes gemacht zum Wohl aller mir bekannten guten Luxemburger. Der Schritt um Eintritt in die NSDAP wurde mir 100%tig aufgezwungen. Ich hatte nie Sympathien oder sonstige Zuneigungen zu den Nazis. Mein einziges Streben war Gutes zu tun im treuen luxemburgischen Sinn. Ich könnte bestimmt noch eine grössere Liste von Tatsachen aufstellen, die mir zur Zeit nicht mehr einfallen. Nur zur Vermeidung einer Umsiedlung meiner Frau und meiner drei kleinen Kinder, sowie um meine

Aktion zum Guten der Widerstandsbewegungen weiterführen zu können, bin ich dem Druck gefolgt.

Gezeichnet *Jos Wagner*

### De Jean Hirtz erënnert sech

En aneren Zäitzeie war de *Jean Hirtz*. Hie war den 2. August 1916 gebuer, an hat sech den 9. Oktober 1939 mat der *Marie Leytem* (\*30.01.1919) bestuet. E war Buchbënnner zu Groussbus an huet seng Erënnungen nom Krich opgeschriwwen. Se sinn e bësse méi kuerz wéi déi vum *Robert Wagener*. De *Jean Hirtz* (28) gesäit dat aus der Siicht vum Familjepapp, dee mat senger Fra (25), hiren 3 klenge Kanner an de Grousselteren (75 an 73 Joer al) muss fortlafen.

### Den 23. Dezember 1944

No 4 Joer Krich, a scho bal eriwwer, wollten d'Preisen nach emol Widerstand leeschten. De 16. Dezember hunn se dann eist Ländche fir d'zweet iwverfall. Wat Chrëschttag méi no komm ass, wat d'Leit och méi gefaart hunn, an dermat gerechent hunn, eemol musse fortzefafen.

Den 23. Dezember war et dann esou wäit. Et war matgedeelt ginn, datt d'Duerf ëm 12:00 Auer zou wier, an datt kee méi eran oder eraus kéim. Et ware scho Leit fort, an et war net fir nach laang ze waarden. Dës puer Zeilen, fir ze weise wéi et geet, wann ee muss mat zwee aler Leit an dräi klenge Kanner d'Haus verloossen.

Ech hat de Liwwerwon vum Bäcker, an dem Noper säin Ochs geléint kritt, fir äis op de Wee ze maachen. Dat Néidegst fir e puer Deeg hate mer am Won, an nach Plaz fir de Papp an d'Mamm, an déi zwee eelst Kanner. D'Fra mat deem Klengsten (8 Méint) an der Kannerkutsch zu Fouss nieft dem Won, an ech vir beim Ochs.

Esou si mer nach just zur Zäit, ewéi Déif aus dem Duerf geschlach. Mir sinn op Viichten zougaangen, do hu mer de Wee fir op Useldeng geholl. Zu Useldeng war et dunn un der Zäit, fir deem Klenge seng Fläsch. An engem klengen Haus hu mir ugeklappt, an eng al Bomi huet äis mat oppenen Ärem ëmfaang. An där Zäit hat ech dem Ochs e bëssen Hee an Huewer ginn, d'Bomi wollt äis nach bekäschtegen, awer mir konnten net bliwen. Et war schon däischter wéi mer zu Rippweiler ukomm sinn. Do huet e Brudder vun eisem Noper doheem gewunnt, an do si mer ënnerdaach komm. Et waren nach vill aner Leit am Duerf, déi och doheem fortgelaf waren.

### Chrëschttag zu Rippweiler

Deen Dag drop si mer gewuer ginn, datt nach dräi aner Famillje vu Bous, zu Rippweiler wieren. Owe war Andacht an der Kierch, mat „Generalabsolutioun“ fir de Fall wou engem géif eppes geschéien. Op Chrëschttag huet et vill dorëmmer

gedonnert vu Kanounen a Granaten, awer bis an d'Duerf ass näischt komm. Mir sinn an d'Mass gaangen, an um Réckwee hu mer en amerikaneschen Zaldot begéint, deen de Kanner e Stéck Schokela ginn huet. Et war awer en Neger, eist klengt Meedchen (3 Joer) huet den Zaldot vun ënne bis uewe bekuckt, an du séier seng Händchen um Gezei ofgebotzt, esou eng schwaarz Hand hat hatt nach ni gesinn. Aacht Deeg si vergaangen, a mir hunn äis iwverall nätzlech gemeet, wou et gaangen ass. Neiwoerschttag war d'Front scho méi wäit ewech geréckelt, an ech hätt gär gewosst, wéi et doheem wier.

### Dat neit Joer 1945

An der 1. Woch vum neie Joer 1945 hate mer probéiert mam Rad op Bous ze fueren, mir sinn awer net vun den Zaldoten duerchgelooos ginn. E puer Deeg drop sinn ech du mat engem jonke Kärel aus der Miliz heemgefuert, hien ass iwverall duerchgelooos ginn. Vu baussen huet eist Haus esou ausgesinn wéi virrun, bannendran awer war vill Dreck an Duercherneen. Ech hunn e bësse gebotzt, a sinn erëm hannescht op Rippweiler gefuert. Et huet vill geschneit, an an der zweeter Woch vum Januar 1945 hu mer äis erëm op den Heemwee gemeet. Dës Kéier si mer iwver Schandel gefuert, et war plazeweis glat, an den Ochs huet missen nei beschloe ginn. Biergop hu mer gehollef drécken, well den Ochs kee Fouss um Äis behalen huet. Wéi mer mëttes doheem ukomm sinn, hat eis Nopesch, déi net fortgelaf war, äis e gutt Feier an den Uewe gemeet, sou datt mer keng Keelt gelidden hunn.

An deene Wochen duerno hu mer d'Haus erëm an d'Rei gesat, an et huet kee vun äis sech beklot, well et anere Leit vill méi schlecht ergaange war.

### De Léon Wolff verzielt

De *Wollefs Léon*, 1928 gebuer, also am selwechten Alter wéi de *Wagenesch Robert*, ass am Woneratelier vu sengem Papp, dem *Wollefs Péitche* opgewuess. Seng Mamm war d'*Maria Beaufils*. En huet 2016 mat 88 Joer e puer perséinlech Erënnungen un déi Zäit vum Krich, wou en tëschent 12 a 16 Joer al war, verzielt.

### Kenger Gefor bewosst

Wéi d'Preise komm sinn, huet mäi Papp mech mueres ëm 5 Auer aus dem Bett geholl, a mer sinn ënnen op d'Strooss stoe gaang, fir äis dee Kamméidi unzekucken. Déi éischt Preisen hunn nom Wee fir op Maartel gefrot, se woussten net wou se wieren, se hu gemengt se wiere schonn an der Belsch. Als Bouwe ware mer äis deemools net ëmmer bewosst, a wéi enger Gefor mer gelieft hunn. De Krich war zwar do, awer et war och iergendwéi spannend, zemol wann een hei an do Munitioun oder soss en anert Krichsgeschier fonnt huet.

### Hitlerjugend

A *Marxen* hunn d'Preisen hir Versammlungen ofgehalen, och déi vun der Hitlerjugend. Erschéng war Pflicht, an ech si mer dat ukucke gaang. Ech war e Kapp méi grouss ewéi déi aner, an hunn och net grad areesch ausgesinn, mat menge schwaarzen Hoer. Wann eppes mer net gaangen ass, da konnt ech de Bak net halen. Zwéi jonk Kärelen an Uniform, e Preiss an e Lëtzebuerger mat preiseschem Akzent, hunn äis indoktrinéiert. Well ech dat net ganz eescht geholl hunn, sinn ech schonn an der 1. Versammlung zerschloe ginn, a mat Féiss an den Aasch virun d'Dier gehäit ginn. De Preiss huet mer novejaut, ech wier net „würdeg“ fir an d'Hitlerjugend ze kommen. Doheem war ech esou rosen, well ech mech net géint se gewiert krut, datt ech mech dee ganzen Owend net gepackt hunn, awer mäi Papp huet mech berouegt a gesot: Wann de Krich eriwwer ass, da gi mer äis déi Borschte fänken, an dann ass et un dir.

### Kniecht beim Woner

Doheem hate mer niewent der Wonerrei nach 2 Kéi a 4 Schwäin. Duerfir huet mäi Papp mech als landwirtschaftlech Hëllef, also als Kniecht ugemellt, an net als Handwierker. Dat ass gutt ukomm, well d'Landwirtschaft fir d'Preise wichteg war. 1944 sinn d'Joergäng 1927 an 1928 gemustert ginn, a wann et nach e bësse gedauert hätt, dann hätt eise Joergang och missen als Kanounefudder duerhalen.

### Den Hitler gött gekäppt

Am Veräinsbau stoung de ganze Krich iwver op enger Sail e bronze Kapp vum Hitler. De ganze Sall war mat rouden Hakekräizfändele gerëscht. Wéi d'Amerikaner am Juni 1944 an der Normandie gelant waren, hu mer all Dag drop gewaart, datt se och zu Bous sollten opdauchen.

Enges Dags ass dunn d'Noriicht komm, d'Amerikaner wieren an de Veräinsbau gerannt, de *Wagenesch Rob* huet den Hitler mat engem Bengel gekäppt, dunn hu mer eréischt gesinn, datt et nëmme Gips wier, mir hunn d'Hakekräizfändelen op d'Strooss gehäit a verbrannt. Mer waren nach net fäerdeg mat eiser Aktioun, dunn ass e Convoi Preisen an d'Duerf gefuert komm. D'Amerikaner waren nach wäit ewech. Et war äis net méi egal. Wann déi elo dem *Adolf* säi futtisse Kapp fonnt hätten, da wier et äis och fir de Kapp gaangen.

De Metzler *August Paquet* a mäi Papp hunn äis opgelueden, an 2 Deeg laang zu Dellen a *Schleiden (Hendel)* verstoppt. Mir hunn all Ament gefaart, elo kéimen d'Preisen äis sichen. Du koum d'Rundstedt-Offensiv. De Buet ass mat der Schell duerch d'Duerf gaangen, a mir sinn op Déifferdeng evaquéiert ginn. *Luermes Jemp (Jemp Eyschen)* huet äis e Päerd an e Leederwon geléint, mir haten nach kuerz virrun e Schwäi geschluecht, dat hu mer an der Solperbidde mat an de Minett geholl. Zu Déifferdeng waren se frou iwwert deen onverhoffte Ravitaillement.

Heiheem huet eisen Noper *Everts Jeng (Jean Wagener)* eis